

活人慈航



十二



訣云三五相連恐不言四六排件定是凶一二上下斷言
道雙單挾處不須憂

痘形色規則

痘初出之際氣血未定而紅白之色未分見於面部一點淡
紅而已既而其中稍有微白而外則淡紅如故也既而根
窠元混而其中之白漸大而外之淡紅漸細既而其尖員
光澤中之白色遂充而外之紅暈漸細痘至於此始有成
漿之意其中白色畧帶微黃而又紅活也進而五六之中
肉之白色雖將變黃猶未離於紅白之間外之紅圈雖將
漸細而尚未至於微也進而六日七日則中之白色變而
純黃猶未至於老也外附紅暈微有一線紅潤光潔之色
而已既而八日九日之中則痘成漿員潔飽滿有黃色而
無紅暈至此氣血順遂治定功成矣



看耳根

男左女右看耳背根未出痘之先紫根者難治預以涼解毒之劑治之亦得愈者若形實二便閉結宜先通利者可治而愈水紅者不藥自愈桃紅者分輕重治之看耳後筋紋淡紅色者吉紫者重青兼亂紋者凶又看耳直上耳尖而無分支者言苦分支纏繞或橫過髮際者凶

將擦照法

痘初潮熱二三日尚在疑似之間將草紙作擦子如指飽蘸清油乃於燈上往來熾熏令勿爆咤窗門緊閉令其黑暗暗中乃點擦子照之觀二顴宜以擦子在耳邊及鼻邊平照觀中庭宜以擦子在二目角平照看其皮中皆歷歷可指是赤是紫是塊是點曉然現曰若是麻則浮於皮外肉內無根若痘則有根在肉內深者以擦子在當顴中庭正

照則不見日光觀之亦不見

痘症日期

凡痘三日發熱三日出齊三日起脹三日灌漿三日收靨蓋
五三一十五日為正期也惟有出齊起脹六日吉凶皆定
於此最為緊要切莫忽畧症之輕者不拘常數或十二三
日亦皆收靨症之重者則出於常數之外或至二十餘日
而後乃全靨也但痘色明潤根腳紅活二便如常又無雜
症即遲數日亦無妨設有當出不出當起不起當靨不靨
者須詳察之或為元氣虛弱不能運行則宜補養或為雜
症攻剝不能貫通則速去其雜症或為毒火盤固氣分血
分而不透發則宜察其在氣在血攻涼透發又六日以前
毒未發盡有雜症者常也六日以後毒當盡出而雜症亦
當除矣當除而不除者逆也須急治之



初熱三日調治法

初熱一日痘症未見姑稍待之不必服藥至第二日宜以蘇解散必使其身有微汗則腠理開通乃不閉毒若至第三日身熱燎人舌有黃胎則其毒必盛急用和中散毒或清解散連進重劑以解其毒不可鬆手蓋毒之盛者非猛藥必不能解於此之際不急解毒則痘出稠密而舖毡蚕種之禍至矣 按初熱即一日二日見此大熱舌胎便進此藥只是見症用藥不可待三日也

凡痘初熱之時毒之輕重症之吉凶皆兆於此蓋熱之微者毒必輕而痘必稀吉之兆也熱之甚者毒必盛而痘必密凶之機也此必然之理醫者宜預知之如身熱和平時熱時退神清氣爽飲食如常大便稠黃小便清利並無雜症者吉先驚而後見痘者吉也

毒傳至心則易傳於肺矣

又有

初熱時或吐或瀉不可驟止蓋吐者毒從上解瀉者毒從下奔因吐瀉發越而毒乃輕是順症也若驟以止之是閉門閉盜其輕者反變重矣況毒氣奔越之吐瀉俟痘出發則勿藥亦自止矣又何必施治乎凡不必施治之際而強治焉正恐復增他症也但調護而已若憎寒發熱咳嗽流涕外因外感風寒也恐毒為風寒所閉不可不為之發表用加減升麻湯服藥之後既經發汗兒頗安靜身熱稍緩則勿服藥姑稍待之看其痘出何如另施方畧蓋既有汗出不可再發恐表虛而後難收拾也

若大熱薰蒸眼紅脣紫舌有黃胎口中氣臭狂言譫語二便不通腹痛咬牙必毒氣壅盛急宜解毒為主用解毒湯服之覺煩悶少解則止俟痘出而中自安而熱亦漸退矣蓋熱以發痘痘未出其熱終不退也若服此仍煩躁不甯症

不稍解則毒氣壅盛之甚非一服而可清也須連進數劑

其毒乃開

按大熱薰蒸舌胎黃二便閉赤口氣臭俱呈下症加大黃通之

至於藥之可止不可

之宜更不宜更止看其病勢如何耳

初熱時煩渴腮紅脣乾紫口氣臭氣粗悶亂舌有黃胎眼有

淚漿二便黃赤而不清利狂語咬牙身熱如熨斗而脉浮

洪數者俱是熱俱宜解毒湯

有下症可加大黃

初熱時若脣淡面青手足冷舌無胎精神困倦不思飲食二

便清利脉沈細而遲緩者乃虛症若猶大熱灼人心中迷

悶則元氣虛而毒氣又盛若不急治恐元虧不能送毒毒

不得出三四日間須臾告變急用調元解毒湯

初發熱或為風寒所開既服發藥依然身無微汗寒邪閉鎖

其症不退

咳嗽鼻涕無汗而症不得出

可用紫蘇蔥煎湯洗浴得微汗而症

立出

初熱時小便如血遍身見紫色癰點者此毒盛血熱也危宜

犀角地黄湯

間有此症並可加黃連荊芥木通等

初熱時四肢強直不能舉動或氣目閉迷悶不醒者皆為

風寒所束毒不能宣之故也用蘇解散加天麻全蝎姜虫

虫退若元氣虛弱者用扶元祛風湯

此症似痘驚亦間有

初熱時遂變失聲者必風邪傳入肺經宜清肺飲甘桔湯

按當去訶子

活幼心法大凡調治痘瘡自發熱之初見點之時即須思及

如何起發如何灌漿如何收結一動用手用藥便要顧首顧

尾慎其初以善其後然後次第調治可保萬全

發熱之初若身熱和緩或熱或退神清氣爽飲食如常則不

必用藥發汗調護而已不必治即所以治其或增寒壯熱

頭痛咳嗽鼻流清涕者因外感也宜加味升麻葛根湯參

初熱三日調治法

智下之上

四十三元記痘科上



蘇飲發汗然不可汗出太多恐虛其表後難起脹灌漿也
既發汗而身熱漸緩兒頗安靜者其痘出必稀少勿藥
亦有發熱和緩後痘多者氣血虛也

發汗之後或身熱不退而煩躁者且勿峻攻姑少待之其或
煩悶燥渴而妄語者用敗毒和中散切不可輕用麻黃桂
枝細辛等藥及石膏黃芩寒涼恐七八日後漿不行雖極
力補助莫能救服藥後覺煩悶少解即止勿服待其痘出
外則中須要也

或有腹痛腰痛而煩悶者此其毒氣誠重只用敗毒和中散
大便閉則加大黃微利之待其痘喜出外則內痛自止痛
唇紅舌胎黃大熱切不可純用寒涼以阻遏其毒出之勢立致
二便秘赤渴躁內攻告變世人不知此理多託用寒涼解毒或用消黃峻
下因而不治者多矣

發熱之際有偶感風寒飲食停滯而腹痛者用升消平胃散

一劑其痛立止

腹痛俱法不效者用
重退白芍各二錢立止

停食腹痛與毒氣腹痛不同停食痛面青白唇色淡毒氣
痛面紅色唇紅紫舌有黃胎

熱至二三日後痘欲出不出或煩悶驚搐或狂言譫語詳審

寒熱虛實而治要知此等症皆由毒氣在內不得宣發於

外而作然毒氣不得宣發症有不同 有毒氣壅盛於內

不能驟發於外而驚搐狂躁者宜清解散 有內毒本盛

外為風邪所束鬱滯不得出而驚搐狂躁者宜蘊解散

有元氣虛弱送毒氣不出而驚搐狂躁者宜溫中益氣湯

察其痘影紅紫面赤唇紅聲音亮口氣粗手足熱脉洪

數此毒氣壅盛也 或形色如前但聲重鼻塞或鼻涕脉

浮數者此毒盛而為風寒所束也 察其痘影淡淡在

初熱言期治法

智下之上

四十四元記痘科上

皮下不見紅活唇淡面白或帶青脉又遲緩雖煩躁驚狂
譫語亦是血氣虛而送毒不出也 三者辨明當一劑之
後痘出而驚狂定

幼兒有發熱二三日全無痘點形影而忽然驚搐狀如急驚
風一樣者此痘毒壅盛不能宣發所致宜清解散一劑則
痘出驚定不可作急驚風治候治則毒氣不出而危

醫宗初見發熱無汗用升麻葛根湯能發表邪透痘疹發熱
惡寒身痛無汗加麻黃薄荷

發熱之初形氣壯實無表症見毒火太盛法當攻之痘未見
點如壯熱不已通身蒸蒸汗出大小便閉赤大渴引飲唇
口焦裂舌生芒刺失血皆屬可下之症爪甲紅紫惡熱內熱譫語煩
躁狂亂腰痛甚已上諸症非險則逆急用歸宗湯峻攻之
去其火毒庶可挽回少有遲巡贍顧則無及矣



北京中醫藥大學圖書館版權所有

欲出而發驚搐者由其毒不得快然宣發而鬱於經也其
現症壯熱面赤心煩口渴手足抽搐以清解散主之
痘欲出發熱有現症嘔吐煩渴腹脹大便酸臭此兼傷食中
氣滯也宜寬中透毒飲若大便閉小便赤腹熱悶痛加大
黃通之

初熱雜症

痘毒出於臟腑達於皮膚其毒一動五臟皆為撼搖故其見
症多端况平日所受風寒暑溼之邪皆隨痘毒出所以紛
紛雜症而見焉然痘毒者戕生之巨寇雜症者助惡之羣
邪雜症不平則痘亦不順必除雜症而痘乃無患也然祛
除雜症之中又必以痘為主其痘既正則雜症自平若渠
魁已服群邪安有不服乎

痘發熱時或耳下頸上有核包者皆寒氣風痰所結宜用紫
初熱雜症

智下之上

四十五元記痘利上

金皮生南星半夏麻黃白芷荆防為末酒調敷

初熱時要問其大小二便飲食寢處若小便不長夢中或發驚悸其兒必將發搐急與益元散加朱砂燈心湯下不熱則驚搐之症必然至矣

驚搐

驚搐之症有目睛上吊口不能言者有身若反弓手足強直者有目翻白而雙手擎拳者有牙關緊閉或口吐白涎或舌頻出入名蛇舌風或大叫如鴉聲而即死者名烏鴉風或嘴歪頭搖者名黃楊風或十指擎槎者名鸚鵡爪風如此之症俱為驚癇此皆毒從心經過故有是症痘毒從肝傳心肝主風心主熱肝風得心熱則必痘出而驚乃定多在痘將出時方發驚搐但隨筋風病發驚搐筋風病搐而隨醒者吉搐醒而有汗者亦吉蓋邪從汗解痘出必稀搐定而精神清亮而不汗者痘毒色青蓋形神昏



暗醒後目閉無神不思飲食而反潮熱大作者是惡候也
其痘必稠密難治謂未痘先搐為順症豈盡然乎驚搐
起切莫驚慌只可扶持不可把捉恐鬱其氣則立死矣不
可作急驚攻用寒涼水其毒氣不得發出其兒必死慎之
此症總由毒氣壅盛於內不能宣發所致毒盛而驚搐者
宜清解散為風邪所束痘毒鬱而不宣宜蘇解散元氣虛
弱而送毒不出發搐者宜溫中益氣湯辨症如前活
幼心法同凡驚搐
之症必用鎮驚丸燈心銀器湯立效百發百中後用益元
散加朱沙

當發搐之際危如累卵救病甚若救焚藥力一時難及須用
火攻以扯散其風痰其效更速燈烙法先於四肢接骨之
處定有一窩即於各接骨窩中皆下燈一燂又於臍下丹
田穴下燈一燂但臍上心前則不敢下燈恐扯痰上行牙

關緊閉者在二牙交穴下燈其口自開

腹痛

初熱無事蓋毒氣發越而腸胃不甯多有作痛然腹中痛者其毒必重不可視為尋常 有感寒停食而作痛痛時面青唇色淡白痛在臍以上宜升消平胃散 有毒氣壅結而腹痛者面赤唇色紅紫舌有黃胎宜敗毒散 亦有平日風疾常常作痛者至發痘之日風疾亦發俟痘出其症自平 此按細最合宜

按腹痛症又有身熱頭重無汗嘔吐蛔虫腹痛有筋塊起此風夾蛔虫柴葛安蛔合宜 或腹痛嘔吐手足厥冷唇紅口渴此風入厥陰宜椒柏四逆散 或壯熱唇紅口渴舌胎黃腹痛二便閉赤宜桂枝大黃湯或敗毒和中散加大黃

嘔吐

發熱之初毒攻胃脘故有吐症毒氣上逆而吐者其吐必酸

刺而有聲吐訖反快精神不倦此毒氣上行因吐而毒亦

解不必治俟痘出而吐自止 凡吐有聲有物謂之嘔嘔

者熱從吐解也有物無聲謂之吐吐者因胃有熱而胃亦

虛也有聲無物謂之噦噦則毒鬱不出矣此皆熱毒蘊逆

於胃口俱不可用煖胃止吐 上焦吐者由於氣中焦吐

者由於積下焦吐者由於寒 上焦吐者食下即吐胃口

有熱痰必心煩作渴二便不利此熱症也食積作吐必腹

膨脹隱隱作痛治當平胃消導若胃氣虛弱而吐者其人

必面青唇淡精神困倦不思飲食其吐亦順快而無聲此

胃寒之吐宜參砂和胃之屬 乾嘔之症乃毒火內鬱不

得外宣故時時張口似吐非吐其毒內攻最危險若咽喉

腹痛嘔吐

智下之上

四十七後記痘科上



作痛不能納物再加失聲不治但初見即宜解毒兼利小便用梔連二陳加桔梗竹茹花粉瞿麥澤瀉滑石乾嘔者火逆於中上不能吐必須引之下行故治乾嘔以利小便為主初熱惡心是毒上攻亦其常也俟痘出自愈吐黃水腹不痛則無事有腹痛則凶腹不痛則內無畜熱必數日未進穀食脾胃空虛本色形於精液而然也若腹痛則毒留脾胃為禍不淺宜寬脾解毒或可救也然此必大熱薰灼口中作臭脣口破裂舌有胎乃為毒留脾內也須用陳皮厚朴山查桔梗牛子慈菇石膏石斛甘草黃連木通白芷萊菔吐清水無事此胃寒肝盛也治宜暖胃平肝即止用砂仁霍香陳皮白朮白芍炙甘草茯苓棗吐濃痰無事痰雖火結吐則內寬不必治吐臭痰難治痰氣若臭則胃中毒難堪急與清胃解毒臭止或可救或